

京報

一
函
冊
函

70

光緒二十七年九月二十七日未初

聖駕抵滎陽縣城駐蹕

本日內閣奉

上諭王文韶著

署理

全權

欽此

上諭

自

總督兼充北洋

欽此著袁世凱署理未到任以前著周馥暫行護理此

上諭山東巡撫著張人駿調補欽此

上諭朕欽奉

懿旨大學士一等肅毅伯

肅毅伯

李鴻章器識淵深才

猷練達由翰林倡率淮軍戡定髮捻諸匪厥功甚偉

朝廷特沛殊恩晉封伯爵襄贊綸扉復命總督

肅毅伯

充北洋

臣大

匡濟艱難輯和中外老成謀國具有深衷

去歲京師之變特派該大學士爲全權欽與各國使
臣妥立和約悉叶機宜方冀大局全安榮膺懋賞遽
聞溘逝軫惜殊深李鴻章着先行加恩照大學士例
賜卹賞給陀羅經被派恭親王溥偉帶領侍衛員前
往奠醊予謚文忠追贈太傅晉封一等侯爵入祀賢
良祠以示篤念盡臣至意其餘節終之典再行降旨
欽此

余瑞沅片 再查已革常山縣知縣劉朝鎔前

因江山會匪吳願頭等糾會閩省土匪劉加幅
等豎旗起事縣城淪陷案內經前撫臣劉樹堂

奏准^{革職}查辦在案茲據藩臬兩司會詳稱查該革

員劉朝鎔到任未久即遇江山會匪滋事竄擾

勢甚猖獗與常山相距僅六十里城垣久圯在

城兵額甚單稟請救援不及會匪大股來撲該

革員親督團勇晝夜戰守骸壯受傷力不能支

以致城陷、隨即赴郡求援、適會匪攻撲郡城、該
軍員督帶團勇、擊退並在樟樹潭、白石街等處、
督隊衝鋒、奮不顧身、擒殺匪首一百餘級、奪獲
馬匹砲械無數、乘勝追剿、克復常山縣城、查該
革員在任數月、民心愛戴、厥後搜捕餘匪、查辦
善後事宜、著有勞績、詳請具奏、開復原官、原銜、
仍留原省、嗣以歷後効等情、前來、臣查該革員
失守縣城、實因兵單受傷、旋即自募團勇克攻、

與隨同克復者有聞追後力解郡圍追剿餘匪
不無微勞功過尙足相抵且副察該革員平日
官聲尙好未便因其衆革在先遂致輕才廢棄
可否准予開復原官原銜仍留原省補用出自
天恩逾格謹會同閩浙督臣許應騫附片具陳伏乞
聖鑒訓示謹奏奉 硃批著照所請吏部知道欽此
江西巡撫臣李興銳跪 奏爲舉人抗糧包訟
劣跡多端請 旨斥革歸案審辦恭摺仰祈

聖鑒事竊據廣信府知府查恩綏詳稱弋隰縣知縣
吳慶揚詳稱據職員江拔元等稟稱該縣舉人
嚴錫圭於光緒二十五年十二月初三日丁
生母王氏憂聞訃並不奔喪及不成服在城包
攬詞訟衣冠宴會忍心害理實屬有傷風化
名稟乞懲辦等情到縣訪查該舉人平日在鄉
遇事武斷抗糧包訟劣迹多端光緒二十六年
八月間奉文舉辦團練會商閭邑紳士籌款惟

該舉人意在按戶派捐圖飽私囊因不遂其所致
多方阻撓並敢恃符抗傳挾制官長若不詳革究
辦不足以懲刁玩而端士習等情詳經臣批司確
切查明詳辦去後茲據布政使張紹華、臚按多使
柯逢時以委員查明該舉人嚴錫圭實係抗糧包
訟劣迹多端詳請奏革以便歸案審辦等因前
來臣查嚴錫圭係弋陽縣人由廩生應光緒十七
年辛卯科本省鄉試中式第五十二名舉人二十

四年戊戌科會試後大挑二等以教職用在原籍候選既經該司等查明該與人抗糧色訟劣迹多端相應請

旨將弋陽縣舉人大挑二等教職嚴錫圭卽行斥革歸案審辦除飭府提審外理合恭摺具奏伏

皇太后

皇上聖鑒謹奏奉

硃批着照所請該部知道欽此

陶模等片再前督臣李鴻章任內據西梧州府

屬蒼梧容藤岑溪等縣紳士湖試用縣梁廷樞等

以前任梧州府知府張璧封被案宛扣稟求

奏請開復當經前督臣李鴻章檄飭西廣藩臬兩司確

切查復茲據西廣藩臬兩司以伏查前梧州府知張

璧封係於光緒十四年梧鬱會匪肇釁案內被劾

經湖撫臣俞廉三查覆以因循玩寇坐誤事機奉

旨職自應該前次辦理有無貽誤爲斷查貳四年五月

鬱林會匪起事、容縣逆首甘浦棠、外託團練、內通匪
黨、援濟軍火、攻陷縣城、旋以收復爲名、肆其剽掠之
計、張守先派防營哨弁王占魁、李安邦、豫爲防制、復
密飭委辦、容縣勦撫事宜、補用縣知錢錫寶、將甘浦棠
密拿伏誅、攻破巢穴、殲除黨羽、容縣始克一律肅清、
商民齊聲稱快、當時卽經廣撫臣黃槐森電奏、嗣奉
諭旨、以有人奏廣土匪滋事、由於容縣團首甘浦棠勾
結會匪、攻陷縣城、飭會拿辦、又經撫臣黃槐森飭張

壁封派員密拿懸情形、奏覆在案、其蒼藤交界會

匪頭目黃香山、孔憲模等、亦係張壁封先後飭屬拿

辦、是張壁封當日理辦並無貽誤、確有案卷、可稽其平

日居官、亦能講求吏治、在甯多年、歷委差缺、均能稱

職、被參委係冤抑等情、詳覆前來、臣查張壁封於光

緒二十四年、密派委員拿辦、各縣首逆、匪沛棠、匪賴以

安靖、商民曰、今和道、並不奏參、可憑是當時理辦尚

無貽誤也、加紳士於該員被參之後、爲之申訴興情、

愛戴於此可見現在剿辦孽匪出力賂已由廣撫臣

開列 奏獎該員、各誅匪首、轉呈吏議未免向隅既

據署廣布政使張廷燦兼署按察使唐敏會詳請

奏前來、合即無題 天恩俯准將已章花翎品二頂戴品三銜

道員用梧州府知府張璧封開復原官銜翎仍留西補

用之處出自 逾格鴻慈所有知府被奏冤抑請

旨開復緣由謹會同廣西巡撫臣黃槐森附片明伏乞

聖鑒謹 奏奉 硃批著照所請吏部知道欽此

王之春片 再准 行在部電開全權臣奏京內教

堂教民賠恤並議立碑碣共需銀二百萬經部議撥

現存滬關江蘇浙江上年折漕一百叁拾六萬肆千折漕

一萬江蘇籌餉新捐貳拾二萬宜昌關稅十萬安徽應還漕

項十一萬通商銀行應繳武衛軍餉十萬均令設法

滙京以便應付等因當經行司迅速依限籌解去後

茲據布政使湯壽銘詳稱在於庫存漕折正雜項下

奏撥庫平銀十一萬兩飭發號商合盛元領滙解赴

江海關道、交納轉滙解京濟用等情、
咨主全權大臣暨咨戶部查照外、謹附片陳明、伏乞
聖鑒、謹奏奉
硃批戶部知道、欽此、

陶模片、再新設北海鎮、兵總鄭潤林、先經臣委署廣

州協、副將並統帶安勇各營、廣州盜風最甚、現亟查辦

清鄉、該鎮緝捕素稱得力、未便遽易生手、合無仰懇

天恩、俯准將該鎮暫留署任、從緩、陛見謹會廣東巡

撫、德肅、陳明、伏乞聖鑒、訓謹奏、
硃批、勸了、欽

護理山東巡撫布政使臣胡廷幹跪奏爲覆陳

東網鹽務情形、擬請循舊辦理以收實效恭摺仰祈

聖鑒事、竊臣承准軍機處字寄、光緒貳拾七年五月初肆日奉

上諭、有人參鹽務積弊、酌擬治本治標二策、着各督

撫各就地方情形、詳加考核、妥籌辦理、具奏總期興利除

弊、以裕饒源、原摺均著抄給閱看、等因、欽此、遵

旨、寄信前來、遵即轉飭運司詳核、妥籌、臣亦悉心考察、

雖所奏未始無見、惟按諸東網雖事權有不同、敬

爲

皇太后

呈上詳陳之查東綱鹽務

自道光

貳拾

九年改定先課後鹽章程至爲周密無

法領引領票先將應完課款如先交運庫然後發

給引票及飭知扼封號票等件持赴例應春鹽之

場由場員查驗明確赴場監福按照引票所載觔

重築包秤掣裝載封禁即將印票鈐印截角以杜

複春例重之外不准夾帶且灘窰逼近場署產鹽

多寡盡移官垣存儲按月冊報場員隨時查驗不